



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

29 հունվարի 2016 թվականի N 38 - Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2011 ԹՎԱԿԱՆԻ
ՀՈԿՏԵՄԲԵՐԻ 20-Ի N 1510-Ն ՈՐՈՇՄԱՆ ՄԵՋ ԼՐԱՑՈՒՄ ԵՎ ՓՈՓՈԽՈՒԹՅՈՒՆ
ԿԱՏԱՐԵԼՈՒ ՄԱՍԻՆ

Հայաստանի Հանրապետության կառավարությունը **ո ր ո շ ու մ է.**

1. Հայաստանի Հանրապետության կառավարության 2011 թվականի հոկտեմբերի 20-ի «Հայաստանի Հանրապետության պետական իշխանության մարմիններում աշխատանքային ծրագրերի կազմման, էլեկտրոնային փաստաթղթաշրջանառության համակարգ աշխատանքային ծրագրերի մուտքագրման, հաստատման, այդ համակարգով կատարողականների գնահատման և կատարողականների հիման վրա պարզևատրման կարգը հաստատելու մասին» N 1510-Ն որոշմամբ հաստատված կարգում կատարել հետևյալ լրացումը և փոփոխությունը՝

1) 57.1-ին կետը լրացնել հետևյալ բովանդակությամբ նոր նախադասությամբ.
«Պարզևատրման չափը որոշելու համար համապատասխան մարմինը հիմք է ընդունում աշխատողի այդ մարմնում գնահատված կատարողականի արդյունքը (կատարողականի գնահատականը) և տվյալ ժամանակաշրջանի հիմնական աշխատավարձի չափը: Ընդ որում, նույն կարգով է հաշվարկվում նաև այն աշխատողների պարզևատրման չափը, որոնց

պաշտոնի փոփոխությունը կատարվել է պետական իշխանության մարմնի աշխատակազմում:».

2) 58-րդ կետը շարադրել հետևյալ խմբագրությամբ.

«58. Պարզևատրման չափը հաշվարկվում է հետևյալ կերպ.

Քայլ առաջին՝ հաշվարկվում է պարզևատրման գործակիցը հետևյալ բանաձևով.

ԿՊՖ

$$Գ = \frac{((U_1 * ԿԿԳ\%) + (U_2 * ԿԿԳ\%) + (U_3 * ԿԿԳ\%) \dots + (U_n * ԿԿԳ\%))}{(U_1 * ԿԿԳ\%) + (U_2 * ԿԿԳ\%) + (U_3 * ԿԿԳ\%) \dots + (U_n * ԿԿԳ\%)}$$

որտեղ՝ ԿՊՖ-ն՝ Հայաստանի Հանրապետության պետական բյուջեով տվյալ մարմնի համար նախատեսված կիսամյակային պարզևատրման ֆոնդն է, $U_1, U_2 \dots U_n$ –ը՝ տվյալ աշխատողի պաշտոնային դրույքաչափը, ԿԿԳ-ն՝ տվյալ աշխատողի կատարողականի կիսամյակի գնահատականը, իսկ Գ-ն՝ պարզևատրման գործակիցը:

Քայլ երկրորդ՝ պարզևատրման գործակիցն արտահայտվում է տոկոսով ($Գ * 100 = Գ\%$):

Քայլ երրորդ՝ հաշվարկվում է յուրաքանչյուր աշխատողի պարզևատրման չափը հետևյալ բանաձևով.

$$\text{ՊՉ} = (U_1 * ԿԿԳ\%) * Գ\%:$$

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

2016 թ. հունվարի 29
Երևան



Հ. ԱԲՐԱՀԱՄՅԱՆ